



62302

賴古堂集卷之五

浚水周亮工櫟園著

五言律

史蒼航司李以催科後期去閩賦詩送之

獨幸還家早此中安可為名山看人載拙吏繳雙
眉始識催科急徒聞父老悲同君閭巷共却賦贈
行詩

哭林徵君異卿

竟歲鼇峰下堆書滿葯房貧猶嘉客累健為故人
怵露冷江干笛花繁野寺觴諸郎看玉立誰復得
臣狂

賴古堂集卷五

一

燕趙兼吳越虛名五十年筇支花境闊巾漉酒痕
鮮剩有幽人致誰為長者傳冥途無一憾死不見
子還

老友凋零盡斯人不再逢溪巖捐萬累淺屐拉千
峰後事煩廉吏終中丞郝大參為君經紀後事前身信墨農見君

多妙氣亦欲學為恭

墨竟能磨子百年事盡空柔惟旨酒思堅以布衣

終葉文忠公以中翰薦君君堅辭不受明鏡不疲照長松下有風夜

臺逢我友幽意一相通謂得山

初作榕城客多君曬餅餈自言如燭武我見勝公

榮高閣尋詩話君從予登樵川詩話樓虛堂醉退耕得名山同

人容易盡老淚向誰傾

兩年來吾友林得山陳章侯姜如須萬年少皆相繼

世厭

又哭林居士將歸反自傷閒披高士傳真見魯靈
光窮巷驚烽燧殘年飽雪霜羨君撒手疾佛酒盡
行藏

洪塘畱別

亦有能歸日好山寧再看晚風堆別路細雨濕江
干人欲畱蕉客臣思署荔官生還衆所冀敢恕別
離難

我友曾相送高榕借一卮依然入別境何地夢心
知細雨畱孤棹秋風吹大旗盈盈千尺水倚杖聽

賴古堂集卷五

二

吾師

畱別榕城父老

褊性人難習羣心恕且平真慙無一是送客故爲
榮尚有桑麻約溪憐骨肉情秋颿江上闊相望暮
愁生

壽陸違之

百陶圖畫舫

時葉榮木爲予圖陶詩百幅予作百陶舫違之適至

嘉客澹相

邀白雨朝移竹青雷夜聽蕉

蕉聞雷始長

依人烽燧闊

作賦海天遙莫恨歸途晚新詩滿絳綃

維揚人日同稚恭穆倩集友沂桐樓卽席分

得晴字

楚客高樓坐枯桐亦有聲江干烽燧滿意外酒卮
輕珍重今宵集難逢人日晴天風吹戰伐莫更賦
蕪城

平山堂畱別稚恭友沂穆倩

直北踪無定淮南路未通寒沙迷古驛濁酒紀春
風嶺客新呼馬吳兒學挽弓臺前雲影亂何處盼
飛鴻

詩
城上元飲同年黃無技齋中同王五采論

八年能再過危路怯春寒燈火荒城節塵沙客子
餐好山看雪後舊雨夢江干頗藉王生重論詩字

賴古堂集卷五

三

字安

送陳陘山下第返閩

客久成安土閩中若故鄉同君騎瘠馬獨夢舊洪
塘短燭三山雨殘書萬荔香修修閒綠裏爲我拂
蕉堂

北闕書難上名山未可藏歸懷新戰馬句換舊奚
囊曲意憐僮僕卑躬數稻粱亂中人易老再聚是
何方

次蘆溝

應恐遺親慮春明到卽還一天雨露闊萬里去來
閒有福能知載無機不更刪曾餘毫髮憾未看武

夷山

予在闕入載
獨未至武夷

次涿鹿

去夢又仙霞重來髻已華濃霜開馬足濁酒盡天
涯人數黃昏月村迷聚散鴉嶺梅應有意待我始
成花

次定興諸生中有從邸外竝立期望見予顏
色者感賦

土屋黃塵滿孤臣黯自嗟世猶旌敝帚事盡屬空
花天只兼人只松耶與柏耶寧知郊野外立雪有
侯芭

次安肅示唐肯堂

賴古堂集卷五

四

曾學漁陽鼓臨風欲亂撾竹修蕉有顙璞在玉寧
瑕別緒心千折羈吟手萬叉誰憐丹甌裏八載但
蒸沙

黃河阻雪同劉公勇登李家亭子予家大梁
久爲水沒累欲移家依劉穎上

酒裏軍聲滿荒亭旅思加依人空有約縱渡亦無
家瘠柳垂殘玉高凌走亂沙春風消息遠開不到
梅花

過清苑哭呂正始是日次大汲

曾作西屏客同登天咫樓可憐今夕過不見故人
畱如往迎君櫬知猶爲我憂寒門衰已甚兒女未

堪謀

庚寅北上時西屏天咫樓初成予爲留三日申婚姻之約而去乙未正始備兵杭嚴以憤鬱卒於官

樞猶未返

靜治堂贈黍丘張澹明大令

高堂名靜治馴鶴立塔前嘉客樽難罄殘書手自編兼葭三面水禾黍萬家煙明月湘簾下時調燥濕絃

江舟與立三夜話

緩急堪誰托多君念不移眞爲吾道重肯以老親辭習嬾先徵敗貧交晚更宜孤舟連夜雨莫代故人悲

盧長華陸繡聞胡螭贊載酒河干

賴古堂集卷五

五

又送炎方客情人酒獨清難爲連歲別何以慰予行游俠應成傳樓船不罷兵躊躕千萬里此際重王程

高康生蔚生依依不忍別信宿舟中始去

我友皆離別依依淚自零萬千私慰藉一再宿津亭春雪猶成出江聲不耐聽同人能載酒莫更怨伶仃

方與三賦詩相送次韻三首

欲踐閩山約寧辭一再遊眼中人盡老意外路偏悠寂寂殊堪笑茫茫始欲愁望門投客易心恥累朋儔

遂已更新籥今年春倍寒持憂空自逼宿業詎相
寬好語安親易垂頭向客難真慙天下士猶作故
人看

尚異人言謬行看消息真餘生全 聖王再到愧
斯民別路連朝雨征車客歲春始知傳貨殖太史
亦家貧

八公洞逢蜀僧若冰出鄭潛菴前輩札子相
示

巴蜀安能返空山偶結廬八公家有竹一水互爲
渠綠共閒門掩香分靜者居寧知空隱士亦重故
人書

賴古堂集卷五

六

曾約金焦任風濤不易禁刹那僧俗臘萬折去來
心杖倚鐘聲肅風敲竹影淡真無一念起憐我欲
成吟

五福阻雨

一雨催人去遐方度嶺時禽孤垂倦翼樹老淨高
姿野渡繁花落荒林獨客悲惟欣春水滿艇急萬
山隨

聞宗寶和尚久返粵東

欲過西禪寺殘香再拜公何期予去後爾亦返山
中海浪兼烽火閩南與粵東全無消息到江上雨
濛濛

鼓山西禪華林法海諸開士來相迓云宗寶
和尚有返怡山消息

南浦橋頭別塵沙又一年宗風今日晦實地此公
賢近有郵書至云當爲我旋私慙無適可獨得老
僧憐

維舟洪塘環而雪涕者數千人相與入榕城
猶是尋常至同人感慨多淚卮能怨醉百藥但增
疴可喜蕉猶綠休驚客再過盈盈千淚滴此意足
風波

王師將返閩圍漸解射烏樓上示諸同事用

生字

賴古堂集卷五

七

競欲平鯨浪囊書學老兵匡圍解後死玉貌重先
生風冷霜依堞沙寒月滿營前軍殊敢戰烽火不
須驚

圍城中獨沈二後去送之

如爾真親串危途肯共淹病憎藥裏重貧畏米錢
添老友看垂盡荒城不解嚴欲歸何地好送客一
身嫌

寇退郊望

海水能飛立殘黎黯自吁千家灰大漠萬鬼溽荒
蕪到日皆成淚關心獨茹茶不知座上客曾憶徒
薪無

寇退出西禪寺見耦耕者

蹙然真足喜况復耦而耕園柳能爲態畦苗亦已
生天心終厭亂時事莫增兵新雨連朝足悠然水
一泓

白下訛傳閩省已陷予殉難射烏樓者遣僕

子歸慰家嚴慈

草色擁連營干戈歲已更危時憑衆志曠日識孤
城臣罪人傳死親憂信寄生誰憐居室客冥莫觸
心兵

南臺萬家無一存者泫然有感

殘城門不閉永晝意如昏桑泉經年思弓刀一夜

賴古堂集卷五

八

痕寒風吹白骨陰雨泣新魂始悟身猶在徘徊淚

自捫

寇退後從射烏樓過神光寺贈幻因上人寺

在射烏樓下時上人欲遊秣陵不果

湖西閒種柳

上人舊在湖西寺
曾爲賦種柳詩

老衲舊知名殘郭

圍方解孤舟去未成敵樓當寺面劍響扣鐘聲相

約秋冬際擔經過石城

病中不寐示謝爾將

金石誠多益微軀力不任早眠安倦僕結夢趁歸
心細數寒更亂懸知落葉淡紛然無一是冷淚透
孤衾

月夜同陸違之陳昌箕徐存永陳開仲侖子
是謝爾玄許天玉過有介陶瓶看梅

歲事已云暮寒風獨扣門艱虞百戰後痛哭一身
存酌酒永今夕與梅同此園憐君引我醉不敢頌
繁寬

卽席再次存永韻時有介欲移家秣陵不果
欲棄家園去謀生鍾阜前途危難自定歲苦不如
先強客寒梅酒移人古竹煙十年嶺外月更見幾
回圓

立春後一日游漢叟過我次筵上韻

愛此林居寂來從鷗鷺盟瓶梅無落意小竹有高
聲芳樹間爲綠園禽時一鳴酒錢不易得空負酒

賴古堂集卷五

九

人名

歲暮大興禪師以手製香相貽

篋香閒供客扶老出雙林妙氣虛堪宅微風逆可
尋一燈餘寂照枯坐有清心宿火寒更後爲公理
素琴

送僧北上

幾過華林寺十年一指彈相期歸寂寞欲別亦辛
酸遠道風沙易城中次第難予來爾返去得句倩
誰看

心持上人過敢園謝季立居士出艾粿共啖

偶得一詩時持公移鉢安蔬園

荒園能再過乞士獨憐吾說餅閒餐艾教童淨洗
梧向人誰更識覓句竟全枯頗羨長干客蔬安待
爾俱

黃朗伯過訪便欲由粵東入燕趙走筆贈之
黃潛堪將相亮也豈虛諛載氣真同鍊衡機肯讓
珠尋常身未死緩急世終需南北隨君在吾徒道
不孤

送王長子返白門長子舊鎮閩畱滯十六載
矣

措足知何地能歸尚此身花憐嶺外雜酒是故園

賴古堂集卷五

十

醇飛絮茫無著閒雲亦有隣去時城郭改舊侶欲
誰詢

八載予三至支離剩此身誰憐單外客又送故鄉
人米說江南賤烽傳海上頻將軍今亦厭醉尉莫
相噴

壽客

爭起爲君壽蕭條酒一杯花繁人易老雨舊客能
來海水曾三淺春風第幾回傳聞城郭裏山卽是
蓬萊

也

鳥石山末程師孟改爲道山曾子固記略云
程公謂其可此于道家所謂蓬萊方丈瀛洲

冬夜同陳昌箕毛子儀鄭圭甫集王逸菴大

行此君堂看菊

靜夜能同聚，虛堂菊影殘。燈涵花蘊藉，鶴夢燭平安。絮語鄉思闊，溪更酒力單。寒風蕭瑟甚，相勗共加餐。

送陳昌箕北上

相知十八年

庚辰子從林宗夫，
子郎中得交昌箕。

彈指憶從前，交自

先師訂文憑。後輩傳空囊，迷去任老路。不迤邐，莫爲孤臣泣。春明花正妍。

送游漢叟入楚

遂復與君別，淒淒望曉湘。樓林搖幾葉，襍被警微霜。莫使傳流寓，相期返故鄉。子與漢叟俱祖豫章。此中鴈影

賴古堂集卷五

十一

絕不獨是衡陽

閩山看不厭，又發漢江城。念室憂危色，殘年去任情。衡帆隨九面，猿淚落三聲。好慰高堂慮，湖南未罷兵。

送爾浮江漢，淒然憶九歌。擷蘅皆是淚，噉荔亦成痾。老眼風波滿，故人遷謫多。平臺賓客盡，歲晚奈愁何。

畫裏圖長劍，日營時有憂。

郭無疆爲叟寫小照，借作長劍倚天外圖。

危謀獨醉垂首，代人愁客欲明朝。去梅看昨歲稠，羈臣歸未得心折。大江流。

前歲冬予求比入閩，萊維王來和欲徒步相

從會來和亦有家難予力止之今年夏來
和間關七千里乃抵三山泣語予曰惠州
果不在天上小子不敢妄附古人恥宿言
不踐耳于其歸賦此志感

白浪河邊路相看轉自哀夢餘萊子國酒盡越王
臺瘴雨閒成陣江舟黯欲迴遙憐新荔熟嶺外客
能來

舟中與子儀

與君同里巷朝夕一寒河到岸爭相覓挑燈且再
過因憐八載聚無此半年多大醉時時去隔船聞
浩歌

病與朱靜一

夢想何曾及艱難爾行七千多里路六十外殘
生聽雨無端淚隣舟望見情加餐不敢勸一夕數
心驚

同初荔舟中夜坐

曰沈復曰密爾數爲子箴未自知疎放反憎人靜
淡得錢聊命酒意動不能禁鄙性誠如此君當鑒
我心

舟中見閩客買裘

四時俱是夏閩客質多柔過嶺衣如葉渡河風漸
道寒偏先僕子慮未到衾稠盡賣南天服不能名

一裘

泊頭

共約舟窗并帆開莫後先津風瀕海勁吳酒渡河
鮮疆口珠梅闌泊頭紅棗船欲停不暫得景物苦
留連

長蘆與葉子尚

舟動不成寐遊絲盡夜牽且斟粗麪酒莫憶早冬
田水闊長蘆岸風高曬棗天曾人閩客語相對各
茫然

天津孫茂先過慰

十年前此過草履倍艱辛一傲平隨僕千奇冷閱
人塵沙飛北道河海滙天津自顧真衰蹇應爲世
所嗔

臣亮

臣亮質閩日天威咫尺時去來終有意雨露本
無私迎旭蒼蒼照懷風善善吹欲將生動意驟使
老親知

臘月二十日小飲詩朱靜一倡

臣罪誠當比鈞名未易消相期占貫索未敢祭臯
陶薄命憑人借危機自我招春風幾日事曾肯潤
枯條

甲士環相逼身悲有所司空斟殘夜酒暗數一年

詩破硯寒相借疎燈黯自持麻衣渾是淚雨露莫

相私

王壽格與予同居憂

何由同過此定業倩誰翻繪壁畱天問食灰聽客

言吏真能具獄臣自謂無冤雙柏森森外寒風吹

短垣

席舍寒威逼噓聲釀作颺酒難支此夜雪欲到來

朝官罷令詩賤途窮看僕驕獨憐牆外客千萬里

為遙

與林鍊崖

石鼓鳴相應閩行在爾先

予至秋曹兩月公亦至

長卿猶論

蜀充國莫屯田

公以議屯田與武人左

風緊飢鷹掠霜寒老

賴古堂集卷五

十四

馬鞭寧知車下淚不抵辦裝錢

公就逮粵人千百環馬首泣緹騎亦

為揮涕

祇覺蠻人好臣微未敢清金鷄方下下驄馬正行

行天為浮萍約秋同敗葉爭貫城星正朗安坐不

須驚

此地亦何寒人來歲已闌

公以嘉平廿七日至蒙頭同鼠卧

公膝下書字示予云到此蒙頭卧三日但不睡耳

錘舌待兒看倦鳥水霜

翼羈臣糞土餐憂能傷客命永夜莫長歎

好語傳瓊海人來前歲初

公前歲遣使入閩慰予蕪言予誤

爾予在閩有少設施公即鐫行語人曰此周生已試之吾聞者蔓草世同鉏我

則難為惡人誰代上書殷殷雙慰藉肯使到庭除

與爾東西望居然萬里遙一樽新雨雪雙影舊蕭
條單外顏何似浮中意互招十年知己淚願借北
風飄

強項吾徒賤羣侯勿遽嗔熱官思已熟冷竈恥相
因客淚霜前滿天心逮後真芻尼朝有喜一室已
回春

漱石上人持雙不借隨子遷間關數千里首
春二日過慰請室中感贈四首

牽比惟僧缺毅然萬里行悲能隨衆喜慈不自忘
情我客誰俱至羣觀到爾平爲予勤付囑半偈月
三更

賴古堂集卷五

五

獨任維摩疾寒風逐客舟經錢居士酒呪力宰官
讎挑菜霜蒙面敲門雪打頭看君真世外此意欲
何求

請室愆叢集空心願自饒單鋪看雪委衲借敵風
驕之子真相累如公孰見招自慙初發意定業可
能消

梅花開滿寺爾昔坐華林明月生千樹香風透一
襟偶然迷仄路於此識平心歸卧團瓢下風霜力
自淡

陸違之元夕爲予吉夢秘未相示走筆詢之
好夢須錢買詢公吉若何睡鄉天頗大盲子視偏

多枕罪惟微，赦蒙霜不改。柯形神相接，處解凍凌渡。
黃河

長安舊傳十賣詩，僕賣不止十然，皆非所憶。

憶惟四作四憶

素壁縣應遍，煙雲過眼空。據絃餘校，猶啓篋盡靈。
通好手乖人，願名山與世。公紛紛傳秘府，况復在

微躬

畫

得欵頰，相就低崇。愜所空微，名空覆斗小。篆憶盤

螭凍老甜，畱雪水奇膩。築脂紅兒參，錯好慧意足。

人思

圖章

亾姬爲予布函中
反覆百十皆不失位置

小閣年年拜，隄糜夙所親。心期玄自守，畏見爾磨

賴古堂集卷五

六

人卽啜難娛，老雖多未寫。貧豹囊間挂，壁靜者刺

爲鄰

墨

予歲時爲祭墨
之會同人咸有詩

小物奇難測，斯人致不窮。紅猶畱鬼趣，碧自足天

工肉好情惟朴，方規意盡融。十年慙大索，一珮亦

難終

小漢王

淚

茫茫集百端，枯坐落闌干。熱潑三生血，寒凝一夜
癡。纏微連雨濕，薦草滴霜殘。過嶺猿聲苦，經年不

肯乾

有目憐雙脊，枯棹出已枯。多惟堪盥面，貴不肯成
珠。冷澣階前雨，悲翻夜半烏。三年麻服血，得到故

鄉無

壽介壽

陶瓶閒介壽去歲醉君家意外聯翩客春分躑躅
花蘆菴聊試雨土銜但蒸沙却喜年年聚寧爲道
路蹉

半偈度朝昏寒蘆獨閉門一垣如此隔雙足近來
尊酌酒謝僮僕相依盡弟彙生辰垂老惜不爲憶
家園

送紀伯紫遊閩

送我看山去輕舟不肯還臨岐前日事見月幾回
圓馬度黃河雪篷開越嶠燴勞勞頻慰爾正及荔

賴古堂集卷五

七

枝鮮

予丁亥入閩維揚王漢恭賦一路看山到武夷相送伯紫有作

似踐當年約囊書嶺外行人畱劍氣作賦重軍
聲瀚海猶飛浪樓船未罷兵詢予閒過處曾負爾
平生

大竿嶺上路幾度聽猿過海外貧交滿山城舊夢
多霞濃扶荔豔雷殷展蕉峩瘴雨懷人處瀟瀟秋
水波

蕉聞雷始長

成行猶數過委曲爲人畱請室踪能密清樽意不
浮桺條燕市雨梧葉秣陵秋何日湖西岸相攜問
莫愁

芍藥無瓶簡芝麓園次

措足猶無地看花只自傷安心存四壁束影就空
房不昧繁華好其如客思長盈盈相對久掌上可
憐香

閏三月補祝林起八

失喜重三月憐君再有生戈前天廣大馬首氣和
平夜雨還家夢春風去國情清樽勤頌禱願到石
頭城

重九有介送菊有介春日數折芍藥贈我

芍藥春風好相貽幾日來蓬門關白晝晚照上蒼
苔老畏新時序天憐舊酒杯隣牆客未去又送菊
花開

賴古堂集卷五

六

種讓閩南異開遲十月中閩南九月無菊寒花北地早鄉

夢故人同旅色難爲夜秋聲半在楓何能奮羽翼

天外和歸鴻

櫓搖花背指鄉思渡河溪晚觸當時淚寒生劄客
心風霜爭白髮煙雨豔黃金頗愛殘燈下蕭蕭數

影臨

若盧閒亦好不信竟忘歸寂影生遙想羈人看落
暉何時白酒熟相伴紫螯肥却憶東籬外寒風吹
我衣

重陽前一夕同冠五燈下對菊用靜一韻三

秋聲盡夜滿風笛更相催
鴈欲何方去花能此地
開百年茅屋酒一雨沒
堦苔莫隸重陽事鄉心
古吹臺

藥欄隣舍好相隔幾由
旬雨作明朝節花隣昨
日春微霜增白濕夕影
約黃勻我屋南山下悠
然一畝新

秋事殊方好嚴霜亦作
華難稱身是客但夢路
無涯黃菊杯中影青門
亂後家更生他日約與
爾藝寒葩

九日李逸客載酒予與
逸客別于語溪十三

載矣

賴古堂集卷五

九

老淚濕闌干泥途客意
難非謀佳節醉獨慰故
人寒明月荒林動幽花
病榻看屬垣多聽子不
敢盡君歡

庖風天外吹敝履曳繁
霜人負山中約花矜雨
後粧難斟燕市酒再話
語兒鄉歲晚書曾寄湘
煙澹岳陽

樵川烽燧滿磨楯說兵
時往事憑誰達餘生愧
所知書來霞嶺闊棹解
石門遲咄咄人三返曾
傳九日詩

重九同冠五對菊次韻
簡芝麓

戰場江上滿老至歎無
家一鴈多寒色繁霜有
靜

華人來黃葉下倚杖夕陽斜
相約還鄉去空期八月查

五里階前霧迷人不肯開到心
桐葉雨垂老菊花杯秋色千
林滿霜鐘一夜催看君真玉
貌畏地共徘徊

維摩方丈室納納此中寬
腐鼠人同嚇甘蔗方任彈
停雲懷友密背雨坐花殘
獨愛陶元亮一卮意已安

服食方全好東籬擷始英
酒難今夜醉花識老人情
摧葉霜多力鳴條月有聲
祇應塵濁裏枯坐念無生

賴古堂集卷五

二十

九月十三夜冠五菊影中看予爲詩有作次

韻奉答並簡蘭次

亦是重陽節

宋人改此日爲重陽

難爲永夜情羣芳無射出

一菊有秋生客思雲霄遠
鷄聲風雨平燈花何太好
失喜卜三更

聞說屯溪上花繁吳仲居
卮前邀月滿圃外看雲舒
沙澈鷗情闊芝田鶴意如
此中持贈我一劍外無餘

秋色吳門外舟聯夜雨中
情生孤嶂月語隱大江
風老驥心空在迷途道未
窮連宵詩甚好珍重寫
愚衷

九月十五夜瓶菊將殘燈下用冠五韻

重陽幾日事瓶菊已將殘月是隣家好心難此夜
寬低簷垂細雨老病畏新寒瘦盡連宵影稜稜猶
耐看

藥裹貧難覓衰顏看鏡羞蛩聲搖永夜鴈翼冷淡
秋多病心全寂無謀淚暗流不知江海上何處有
歸舟

他日堪相見同君交有神花殘不寐客秋老未歸
人起陸龍蛇舞當關虎豹蹲片時頻徙坐風雨大
無倫

青女行將去霜風淨可憐辱人羞滿世老眼醉橫

賴古堂集卷五

三

天得寐慙歸夢餐花有大年蕭蕭一雨後亦覺此
厄賢

九月十六日望西山呈北海夫子

曾在西山住石闌盡日凭松聲一徑落雲勢半床
蒸客夢林中雪梅花澗上水誰教牆外望只見碧
層層

九月十九日宋人亦以是日爲重九冠五燈
下偶得花寒今日酒冷古重陽之句予

頗爲擊節走筆奉和四章

白日荒涼甚卑棲此夜長兵戈猶故里風雨更重
陽作意畱佳節遲人悅晚香傳聞災可避又製紫

黃囊

伏枕增遙感隣家吹洞簫清聲真自苦久客忽無聊老眼風波闊鄉心日夜搖經旬黃菊影生意未全消

窮鳥無高翼秋風滿畢羅空傳湘客賦難返魯陽戈黃菊前宵兩白頭今夕歌良時不再借得酒莫蹉跎

更有重陽會竭來只自憐風塵迥大陸日月自高天花綻繁霜苦厄擎老腕堅遙看籬落下尚有一枝全

九月十九夜隣牆有客爲予得吉夢凌晨遣

賴古堂集卷五

三

急足絮絮告予感其意成此

百感盈高枕多公意獨閒一秋如此度永夜苦相關在日猶佳境隣牆送好顏可憐憑夢寐便欲望生還

九月二十日同鄉人帥君載酒泛菊卽席同

冠五賦

諸帥聲名久高文滿豫章惟君盤劣馬一羽失長楊室邇憐桑梓情來載酒漿翩翩清論好終是大

家郎

泛菊來嘉侶秋風吹客狂看能畱幾日開卽是重陽薄醉隣家酒高眠折脚床莫悲狼藉甚吾道不

糝糠

負鎖空相訟吾衰未可與當歸憑遠望何處有高
登永夜羣心滿霜風一鴈凌不堪瓢笠外冷盡退
居僧

江上新傳捷寒家信未通且斟秋室酒莫聽夜飛
鴻掠理憑餘子持平仗數公生平多謬誤細細責
微躬

九月廿一日餞菊和吳蘭次

只似溪山住花畱小徑幽羈心一座滿酒力五更
休候鴈迷霜路鳴蟲絮晚秋獨憐擊筑者好與旅
人遊

賴古堂集卷五

三

九月廿二日因樹屋送秋限韻

茅屋閒畱客寒煙滿竹厨蘋蔬猶可擷粗糲強人
俱秋是貧家好花看雨後殊君休輕草坐一笑向
來無

閒看青女去小几與雲凭明月空相照高樓未可
登鴈聲殘夜露蛩語一簾冰亦有還鄉路烽煙隔
幾層

歲序亦何速寒威入夜真夢同秋競遠樹與屋相
因濁酒懷歸客殘花失意人畱君莫漫去戶外有
風塵

直北經年客東吳萬里舟做裘空再換鄉淚未全

收月好能爲照雲開不盡浮故園真可去醞酒大江樓

大風拔茅屋

是物天摧盡相遺一草廬狹猶容坐卧陋尚費躊躇獨影謀蝸篆寒心倩鴈書庖風勿勿起乘屋自憐疎

雨風欺我屋四面颶孤舟故故聲東舍遙遙擊北陬欲掀穩作勢乍緩突相浮童子呼號切老夫無可謀

蓆舍如鱗比寒風我處多半空大小翻一帶短長衰閒極翻書帙威餘到烏窠隣兒爭作苦忽憶少

賴古堂集卷五

五

陵歌

亦只崇朝勢胡爲不暫停庇寒隣意好堪賦客心
軍後夜休教雨今朝朗見星天心終愛我一息驟
還青

亦只崇朝勢胡爲不暫停庇寒隣意好堪賦客心
軍後夜休教雨今朝朗見星天心終愛我一息驟
還青

亦只崇朝勢胡爲不暫停庇寒隣意好堪賦客心
軍後夜休教雨今朝朗見星天心終愛我一息驟
還青

亦只崇朝勢胡爲不暫停庇寒隣意好堪賦客心
軍後夜休教雨今朝朗見星天心終愛我一息驟
還青

賴古堂集卷之五終

賴古堂集卷之六

浚水周亮工櫟園著

五言律

九月廿三日餞菊限字

一月閒堪住泥人肯遽回相依黃檗塢却返白雲
隈只有今宵看更從何處開憐君獨耐久風雨忍
相催

不爲繁霜苦依然返故園看來真歲月把得當饗
飡小雨催花駕羣寒釀席門膽瓶空自好畱得一
秋痕

敝裘難再著酒盡北風寒約客畱花住相依坐夜

賴古堂集卷六

一

闌鄉心真自切老淚幾曾乾待爾家園裏明年子
細看

繒被裂裏和吳蘭次

廣被誰相借芰荷補未周豔曾煩隸事破尚肯蒙
羞冰裂全爲雪水田自界秋層波真曲曲眠或是
浮鷗

襪被無寒暑依人得久要殘針思婦苦惡卧憶兒
嬌委曲風千折荒唐雪一條可憐遮瘦竹猶剩幾
甘蔗

夢至胡元潤家見所餞菊

只似曾過境柴桑處士居人皆漢魏上花亦義熙

餘質朴無繁卉蕭條伴野蔬此中真自好肯更憶
吾廬

東籬一二畝約略早秋時微雨侵花檻寒風吹酒
卮主人欲採贈坐客解吟詩將去頻相挽殷勤有
後期

訝予猶未返遠道亦能來自謂初能遂因君晚更
開渾忘新雨雪苦憶舊莓苔頓首加餐飯家園努
力回

亦有生平約煙雲逐處避半林霜後路一月眼中
花枝較看時勁葉從何日加踉蹌輕別去城上噪
寒鴉

賴古堂集卷六

二

冬夜同冠五燈下兀坐有懷閩南高雲客

客裏逢除夕君初過敢園訂交殘歲月掩涕舊繁
冤心爲老夫連酒憑四坐喧葉華曾不改世豈有
寒溫

十載閩南客心悲晚識君文章真細密慰藉日殷
勤頗愛過從久只如宿昔聞青松臨白水此意不
浮雲

送客西禪寺孤帆動夕陽空傳新涕淚誰問舊行
藏吾子情真切羈人心自傷得書知我在向北認
風霜

吳仲時連榻冠許生亦比隣介壽在羈多憶舊懷爾

淚沾中雨雪溪茅屋塵沙老故人此中殊未了客
到莫相詢

題朱靜一布帳眉

一笏巢癯鶴披帷栢子香熟眠新雨雪豔夢老鴛
鴦氣妙環黎榻神清守葯房起居能自好晚節更
安康

詠因樹屋簡王惟歲堵芬木

老樹有奇幹無因我屋西樓林風上下人鳥夢高
低遮蔭看茅藉連聲聽雨齊飄蕭黃葉脫真是白
雲棲

峒曲隨公意依違與我偕爭奇驚鶴井甘拙認鳩

賴古堂集卷六

三

柴夜影山垂帶春寒雨漏釵天風吹不盡一宿散
人懷

我屋能淡穩綺疏與樹交低枝斜作牖新葉迥添
茅築土羈人室憑虛乞士巢榻前明月通烏鵲起
林梢

寒色虛相逼吾徒慎所因連林空有伴獨樹許誰
隣省力荆榛客多情種植人天驚風雨久枝葉好
均勻

堵芬木以襟蘭集見示

灼艾誰分痛肩憂力不任人來唯白月夢去但黃
金數武聞聲地五更相望心空憐叢棘裏辛苦認

蘭襟

旅酒

旅酒殊難酌呼童慰苦辛愁將始自我憂恐遂傷人
隔岸歆羣盜依床動野燐潛聲難入寐夢結故園真

獄事方急梁溪高大澄甫囊無一錢飛棹三千里慰予悲予及見高來作二詩

不計歸何策蕭然爲我來危途無定信見面有餘猜
夢識銀鐙貌燈搖雨雪盃依依頻慰藉飾喜露真哀

倉皇衝蓆舍革履雨聲穿萬念西曹路一錢江上

賴古堂集卷六

四

船醫囊通罪後鏡具弔生前已是須臾客誰能及爾旋

如臯黃六濟叔人同姓名下叔獄數以篆籀

慰僕僕旦夕齒劒死望叔所在真作福堂意不忘生與叔此律

意外悲黃老名藏世更分避人封短札撥酒仰浮雲
奇字悔多識殘書約共焚真邀天廣大一得與公羣

病僮

操作憑人約典籤力不任身微醫意懶語好主恩
淡糞土前生骨稂苓同伴心生憎文酒客入坐尚

招尋

病樹

太惜全爲害殷勤意已虛相憐心到覺不信客移
疽檣杙空名史橐駝自有書返魂香尚在努力更
扶疎

病妓

小雨濕花欹秋山冷到眉開簾明撲鏡解幌暗酬
醫秘藥勻香手奇方疊畫帷殷勤喚不轉肯復使
歡窺

病鶴

夜半聲聞息遙天孰與通垂玄風躑躅束白雨麤

賴古堂集卷六

五

甌人欲逢三世形將避八公胎仙那可瘞客已健
飛鴻

病僧

誰任維摩疾空牀黃葉林瓢擎百藥滿衲擁一燈
溪過雨翻鎗火支筇和梵音甘蔗原自健莫覓去
來心

病馬

獨剩權奇骨支離怯短轅向人知仰秣倚樹憶騰
騫枯草殘蹄卧牙旗落日翻風霜鳴不出誰爲護
軍言

望家書不得與無間望如庭發

無復平安望猶爭一字通計程朝數曆占夢夜呼
僮薄命荆榛路全家霜雪叢休驚親識避畏懼到
飛鴻

天恩緩孤臣須臾死籍臣家及身止兩親柩厝先
大父鴻臚公舊室中遂亦旦夕莫容頃得
兒書竟夜不寐痛哭成此

攢心開遠信萬矢五更餘冷露雙親骨殘灰數世
書奇璞傾到惹長物少於車里客猶揮涕先人有
敝廬

送章補臣出塞同田無間王望如吳庭發賦
辛苦塵沙面空囊壯縣餘堅心辭弱子結伴挾殘

賴古堂集卷六

六

書死避壺蘭路生登廣柳車誰憐強項令跼踏認

荒廬

補臣舊夢及於興化遊闕時取道他途
避之後與補臣難者蓋家昭陽異哉

七月十九夜同田無間王望如吳庭發賦

仄地無高夢羈中識早涼家看清濁酒月認雪霜
床獨鳥能爲聚羣心一暫忘河沙愁粒粒遠縱旅
人量

敗筆支蓬屋秋生破硯涼燈搖人聽雨柝倦鼠窺
床謹藥悲前疾鈔書續舊忘辛勤兒女信隻語幾
回量

入座聲同寂吟安逐字涼寧知家在夢全見月登
床急柝爭人寐枯巢囑鳥忘梧桐葉底淚半落與

燈量

寒風驚旅骨熱淚潑衣涼劍老花盈室衾孤鐵滿
床新詩猶在口舊雨漸能忘躑躅當時客門前著
意量

月黑卮痕淺燈淡客影涼親朋難命駕風雨獨支
床薄命滋多口無家得大忘依依惟酒境妙遠不
能量

永夜何曾寐星垂鴈語涼秋風吹板屋老病擁繩
床到鬼身猶在看人意未忘數愁多小僕昔昔爲
予量

庚子中秋與田無間王望如吳庭發賦

賴古堂集卷六

七

可惜佳時節爭爲無益愁月能來板屋人苦記中
秋圓漾一心動明分兩淚流荒唐昨夕夢獨看釣
魚舟

萬棘叢中客真無一念平悄憂窺杪木薄影振溪
更甌破家歸夢灰寒酒藉生此中能得聚肯復愴
餘情

好月曾看遍應爲苦月悲多情閒自照微影亦同
羈天際雲難盡卮中客有思陰晴無定著仰面共
低眉

枯形依老樹看月竟能圓難作中宵對不如聽雨
眠鴈過羣下露蟲響自爲天百念何曾息雙砧處

處懸

長至日菴居公至

意外看公在天心轉一陽吞聲人握手失喜淚沾
衰老病圓牆月殘燈板屋霜那堪白首望絕塞有
家鄉

庚子嘉平五日雪初聞欲徙塞外

不覺寒威逼宵來雪影真淡更破壁淚絕塞晚年
人歲好天增瑞寒回帝釀春遙看松栝葉生意已
津津

胡元青將赴當湖訪朱鶴門賦此奉送元潤

常從予在閩屢遲元青不至

賴古堂集卷六

八

阿大曾相約三年嶺外畱寒門矜敝硯炎客認重
裘幸見秣陵雪愁君江上遊當湖風日好曾但爲
依劉

鐵崖林公被逮北上侍者粵人鄧猷懷絮溫

公銀鐙日凡數十易左右公患難三年終

始不怠高子雲客爲作絮鍊行予值猷湖

上感而贈此兼呈鍊崖

大力肩吾友泥途昧淺深柔情傳薄絮苦志斷堅

金一代無雙士二年萬折心羞看無定鳥上下自

爲音

指水尋當世君家大有人吾徒空妮妮之子尚臣

臣毒霧披千里豎水抱一身相依爲命久骨肉不成親

曹長公蘊昔以母夫人之疾刲股愈親身乃
遽沒羣公賦輓遂滿巨軸予亦續成

滿卷皆風雨君堪泣鬼神刀前非始念死外有餘
身自辦尋常事天招至性人空慙居室子一髮不

歸親

先嚴慈見音
賤子在請室

吳賓賢爲予至飲汪舟次齋中

亂覺良朋贅君來道路長江風吹敝帽海氣滿奚
囊酌酒心爲動論文意轉傷斜陽猶未落及見老
夫狂

賴古堂集卷六

九

歌吹揚州地寒梅不肯花人憐關塞返客嘆夕陽
斜垂老真相見傳詩各有嗟同君從世好深夜醉
琵琶

聞君買藥至似爲老夫來遽啓殘詩篋休停濁酒
盃蒙羞從世網忍死待予回莫便尋歸棹寒花次
第開

步韻酌龔半千予北上時半千出慰舟次

我傷秦淮住君家亦石城難歸看客怒漸老論詩
平小錄煙雲滿溪巖雨雪并乾坤雙醉眼獨對故
人明

悲予嚴譴日敢謂得餘生念室辜難蔽朝廷法

果平羈心迷遠塞老淚濕蕪城却憶舟中語他時
見欲驚

半千移家

倦鳥無高翼卑飛又一林小心過逆旅大意失黃
全硯亦移將破山猶入未深空聞買字者曲巷費
追尋

久客憑人遣衡茅一再遷虛堂開舊雨短褐擁殘
年粗糲貧家橐冰霜老僕肩杯深間失笑壁立幾
桑田

不寐步梅花下念宗定九多病鄉居不得數

見東此

賴古堂集卷六

十

不復常相見何如久別離窮鄉惟獨往百藥與身

隨亂願交遊減衰憐筆墨危空思盈岸雪送我渡

淮時

被逮北上時定九
操舨艇追送子

意中常欲到新柳讀書堂

新柳草堂定
九讀書處

未是人千

里依然水一方空江澄客夢冷月定花香知爾亦

無寐還爲遠道傷

閩中許天玉徐存永廣陵宗定九黃濟叔吳

賓賢汪舟次夜集寓園卽席分得看字

濁酒把更殘相依道路難并州能作客永夜莫長

歎鼓亂羈魂碎心蘇塞鴈寒老夫操一醉明月讓

人看

過時齋訪孫豹人不值見其長君懷豐

相對門堅閉

豹人與汪秋澗對字

時垣舊草堂竹西聞鴈早

視北祝雞忪十畝艱難稅一錢羞澁囊栖栖何地

去令子正條桑

雷限

萬卷刪當代迂狂恕老夫一人知已足曠世感寧

無荒憬空增望

指業居公

迷陽自辨途玄文難盡見幸

得識童烏

吳賓賢力疾爲予至至則病益甚不能數晨

夕賓賢旣以病畱邗上予乃先歸

力疾爲予至依然見面疎空江殘歲棹遠夢楚人

廬此地難爲客何時更寄書岐途頻握手五十見

賴古堂集卷六

十一

君初

孫無言于王于一之沒撫其幼子經紀備至

歎古道之猶存也感贈

忍向黃山去應爲好友傷衰分稚子淚夢接故人

喪莫歎交遊絕真增吾道光死生生不愧此意豈

存亾

連夕與舟次縱談無不盡兩月之畱獨爲舟

次耳返棹畱別

頗畏汪家仲雄文逼老夫須麋看將相酒食認屠

酷再見心無愧終宵論不殊殘書欣有托肯悵客

舟孤

抵邗關遲汪舟次兼示吳楚人

北去非吾意，依違痛定身。無風吹老熱，待爾拂衰塵。急雨空江緩，遙山落日真。寧知三數過，只憶海濱人。

袁籜菴自書曰：走凡詢之曰：客有自稱飛仙

者，以此對之，戲成。

七十顏能駐，如公勝僮侗。新詞柔老腕，妙舌縱長年。得在身堪鬪，知貧道自堅。凡夫真具足，不更羨飛仙。

寓園畱酌張天任丁漢公劉庸公黃仙裳鄧

孝威

賴古堂集卷六

七

旅舍頻相過，閒堦草木叢。甘蕉真壯語，楊柳故柔風。夢破人能老，書焚賦未工。夕陽同失笑，天外數歸鴻。

寓園示韓秀才

避暑踪無定，多君款客恭。方塘疑海氣，老樹肅山容。茗粥能真朴，林園任淡濃。秋深或再到，隔岸看芙蓉。

寓人泊空陵秋水菴與澹公

小泊空陵岸，蕭條秋水菴。鐘聲高樹肅，香影暮煙涵。過雨門前稻，流泉屋後潭。勞勞畱我坐，去路熱難堪。

過沂水從大令杜長虹索得申鳧盟全詩漫
成寄鳧盟兼示楊猶龍

意內鳧盟子猶龍夙有期慙無巴蜀信却賦廣平
詩野縣纏綿酒春風遠近思泥途吾未免出處復
誰宜

十月廿六日城陽寄冠五

急遽青齊別淮徐道路長黃山松影闢建業柳條
香細草吳門棹繁花越客裝遙遙明月夜不識夢
何方

嶺外宵宵聚吳舟刻刻同雪霜三載路荆棘半年
叢兩月雲門酒片時江上風如何經歲別不遣一

賴古堂集卷六

三

音通

高兆虎林返許眉信已真雲客過嶺訪子徐生新

賦鵬存永沒黃老竟成塵濟堵令愁中酒伊吳郎

分外貧介阿都兒同阿建兒念叔不離脣

亮也隨征旆行踪遍魯齊羈心真似蠟老境漸成
醯念昔身能在謀歸意不迷寄書風雪夜又在穆

陵西子以今春取道穆陵入青隨巡東海復逶迤由此返

哭黃濟叔

物外能全棄老身萬竹叢濃看高下綠飽飯舊新
紅大翻書猶在小山賦未終寧知江上約夕盡
成空

喜我更生返頻頻江上來爐雲紛老眼雨雪動淡
杯海嶼書方寄泉臺客不回惟傳臨化去失喜鼓
于鬢

君化去方飲酒觀伎自
言死甚樂不足怖也

雲門賦送與三

只識黃金重難辭遠道行低顏歎大戶高夢上層
城婉轉安親意依違作客情惟欣風雪滿得句少
卑聲

每得淮揚信開函定有詩空憐金石句不作棟梁
資在難猶娛老能歸却憶兒雲門書到後辛苦更
依誰

同君商出處所嘆事皆虛熱淚還家酒空囊北上

賴古堂集卷六

十四

書煙環莽子國夢遶醫無閭應勝當年別閩南爾
送子

雲門送胡元潤還白下

芳前君能到雲門得暫停須麋空似雪踪跡尚如
萍冷署三竿卧遙山九點青畱人不肯住修竹雨
溟溟

論交真耐久幾日盡成衰雪後同過嶺潮平自渡
灘閒身能去住老筆更紛披所嘆稱君友惟工送
別詩

甲辰歲莫再至都門襍被未解嵇匡侯索畱

山堂詩倚婁東諸同人韻輒得一詩悲感

交集似不獨咏雷山矣反欲雷山和我
黃塵猶吹面辛苦賦雷山思熟知官熱情多借酒
閒好懷新老去惡夢舊生還未信林中客昏昏不
可攀

真意亭同冠五介茲賦

兩載雲門卧真看是故鄉忘形隨草木無計穩行
藏老識人情厚秋催旅髻蒼故交書盡絕應爲熱
官忙

哭陸違之

凌冬江上去臨發更徘徊苦口能規我好音望不
來酸風吹廣柳做篋委荒萊嘆息螟蛉子壠頭肯
盡哀

賴古堂集卷六

五

夕陽坐亭子上

雙扉盡日關遠岫出煙鬟波底窺紅濕亭中坐綠
閒秋偏侵冷罽酒不改衰顏何者爲榮辱吾將返
故山

齊河半夜送孤鴈

更深萬影息孤鴈乃飛鳴翼冷生趨夜心單故失
羣搖搖何所適宛宛自相聞顧我真衰落羈愁欲
共分

得高座傳公書計音與俱至

八十年彈指閻浮一去來應知厭世久不奈故人

哀法語畱高座靈光炯夜臺可憐書信到骨已逼

寒灰

親樞勞公護

兩先人樞
厝公山房

論交四十春當時鉤黨累

未見老僧嗔

予爲阮馮黨
陷亦累公

炊餅畱僖父漚藍寄遠

人忘情容易化枯淚不沾巾

送冠五還黃山

出處吾全誤相憐到爾稀開樓同讀書聽雨共忘
飢忽忽催征雁淒淒判客衣騎驢成獨往老淚不
能揮

去住頻難定成行猶自疑囊空輕雨雪酒濁壯鬚
眉天看吾徒冷江聽一鴈悲年華容易改密約莫

參差

賴古堂集卷六

十六

爲予歸頗滯此日不遑巡撲鏡顏全改還家歲已
新寒花看晚艷濁酒對村醇所喜行裝薄老妻未
肯嗔

歲晚悵分攜淒淒客思迷人能還白岳酒頗憶青
齊敗帙搖僮背寒心定馬蹄過時應念我老境夕
陽低

吳仁趾自廣陵過訪

興來齋麥酒大雪涉江干使我成輕薄看人鬪熱
官園荒驚客到老至任書殘所喜君年少狂吟逐
字安

重五同望如坐弘濟寺蒲菴和尚山亭

濤聲高在樹入寺水淙淙茗粥從僧學魚龍望佛
降雲心歸小閣世事靜長江共說羲皇好吾將卧

北窗

哭謝仲美

予丙午季秋返自雲門仲美載酒醉我于
偶遂堂酒半謂予曰向索公一詩久不寄
公歸矣曷書一篋出入我懷袖中予諾君
不十日君還道山矣傷哉今日得一詩哭
君却書篋上囑令子焚之靈几前誌吾不
敢負仲美也嗟夫子乃至爲此等詩以踐
仲美約豈不痛哉

敢謂交生从我歸爲哭君秋花誰更看破研竟須

焚骨瘦千峰雪情閒一片雲空憐昨日事載酒意

賴古堂集卷六

十七

殷殷

丙午溪秋過南鷺峰訪曙公門庭蕭蕭破衲

層披枯筇以外了無伴侶猶夫十載前之

曙公也欽其耐寂爲畱是詩

秋聲不暫息入寺得公閒落葉寬於樹低簷靜似

山閉門真有意對客頗無顏雪竇水巖裏誰能更

在還

題李武曾灌園養母圖

荷鋤忘旦暮得慰北堂萱人在一方水天畱數畝

園讀書知孝貴食力羨農尊閉戶高吟外垂垂雨

露恩

吳玉府過慰賦此志感

瘠馬驅三輔輕舟渡八閩
依人少氣色慰我有精神
老豈一朝至貧從此歲
真可憐風雨夜涕淚報
皇仁

送羅飯牛之邗上顧見山從江上示余札子

云與飯牛將訪余於恕老堂爲一月之留
既以事阻忽返雲間獨飯牛過我又匆匆
欲往廣陵因步何省齋韻送之

客從章貢到因動故園心
畫捲煙雲過樓開海岳
臨清江虛晚眺黃菊過幽尋
莫爲秋風苦閒同蟋蟀吟

賴古堂集卷六

七

虎頭書早寄一月約君留
所歎晴江棹難爲日暮
求聽濤應有賦作客莫悲秋
歸若雲間去吾將共一舟

王式玉至自邗江共醉恕老堂式玉五年未

歸矣

歸來投野寺萍跡太無端
增病千秋去論交一雨
寒殘棋新白下艷夢古邗
鄆酒至爲余醉雙眉莫更攢

初春陳伯璣郵書相慰細字千言難爲老眼

細書開靜夜燈影苦摩抄
文字家鄉賤知交患難
多伯璣謫居其武病沒
繫來憂歸余吏議貧堅新歲月醉理舊風波

知爾勞勞意論詩自養疴

冠五歸臨岐黯然不能出一語送之別十日

得三詩却寄

六十年真至誰能保令各詩書拚一擲勳業竟何成對客無人色惟君有義聲山中不忘我默爲數

陰晴

晝夜不能寐起聽白項烏飛飛背月至雜雜向予呼忽謾生遙感所悲匪一途思君爲我坐立自踟躕

花事遂將半吾廬似雪圍數錢飛已盡問客到何稀酒濁難驅老春寒易作威君歸惟一我欲語畏

賴古堂集卷六

九

人非

石谿大師六十僧臘大師與佛同日降
惟吾獨尊耳佛生共一天乘風欲離世與雨互參
禪伏臘應無量兒孫誰及肩休輕下毒棒易得到
公前

皖江與文燈巖

幼頗好奇服聞聲始秣陵赤繩昭古道朗日映層
水文域從公關小儒妄自矜空憐四十載此事屬
誰能

山是匡廬大江從九道開文章千氣象姓字不塵埃
垂老真相見依人只自哀雲林三十六頗欲趁

公回

余家金谿雲林三十六峰下

塵網誰教落吉屯隨所招世途真坦易吾道自飄搖老至羈心闊江空酒氣驕論交或不愧彭澤久相要

梁溪成二鴻舊以孝廉訓院臨江築小閣讀

書其間未能遽歸也

江城開小閣閣後盛唐山依隱聊三徑著書滿一間儒官容易罷秃筆不教閒未了傳經事誰能得暫還

何省齋往錢塘觀八月濤送之

盡日閒相見驚為遠道行輕舟空汗漫妙舌更縱橫垂柳如前弱平湖只自清濤聲到耳處心事可

賴古堂集卷六

二十

能平

從余鴻客乞竹澹心躬送至甫種值雨

不向隣園覓此君意所安移情三數介到眼萬千竿小徑欣高鳥微風起激湍差強人意處昨夜雨漫漫

種樹吾難待栽成喜目前倩為閒伴侶期得久周旋老友躬相送新枝我見憐恰逢秋雨滴簷際已懷爐

龔半千半畝園

於世殊無事經年合閉門白衣鮮墨汁烏几潤花

痕亂竹三更雨空山半畝園畏人常屏跡感激虎
狼恩

野老閒稱病柴門永日關殘苔生破屨修竹蔽衰
顏得酒看人醉成詩肯自刪夢中頻過爾大月好
風間

萬累已全息荒園足自怡碁邊今態好酒外古心
危妙畫殊無意殘書若有思屑榆亦可飽努力莫
言衰

彥遠今高士武林一畝田約君爲隱侶交我舊忘
年僻地誠難覓同心亦可憐懷人真隔世獨坐聽

鳴泉

旅堂胡彥遠與君有
同志隱虎林一畝田

賴古堂集卷六

三

獨遊吳越畱別次德冠五介茲

閉戶非吾事情生萬境仄讀書真有命飲酒亦須
才寒菊何曾放空江獨舉杯出門殊草草修竹負
新栽

同籜菴酌第二泉竟寺外禮古松肅立久之

得二詩

輕舟能暫泊扶老送斜曛獨樹羣山盡高秋一寺
分何時標楨幹終古謝紛紜立久濤聲發城中或
不聞

孤松驚老眼昂首得懷開翠色殊難已高枝不肯
頽生風畱古吹過雨絕新苔眷此雲霞契他年或

更來

慧山霜降夜雷雨不寐
借舟真不寐一雨壓孤檠宿鷺無乾思飛鴻有濕
聲朝難工老計夜獨爲余清萬感茫茫集輕雷何
處鳴

王石谷四十

幾日秦淮別聞君四十辰吮毫如有得潑墨不知
貧水石恬愉意煙雲供養身黃公傳大耋久與結
爲隣

獨過韜光

寺裏登山易韜光景物偏空林無垢葉絕蠟有清
泉此地真岑寂隨人自往還蕭然茶話後吾意已

賴古堂集卷六

三

歸禪

笑隱老人多情佛子有道文人余聞之叅友
于一者久矣辛亥至日同與三刺舟溯河
于得一見公公七十矣語語必及于一且
顧余曰推襟送抱垂三十年今始一見俱
老矣後會良難念往懷來淚輒欲下余亦
爲悲動久之返舟得四詩

櫛崖吾畏友每每說公賢一隱應惟笑此身未許
憐喫茶尋苦栢博飯種荒田却訝忘情久懷人淚
欲縣

笑公吾道侶芳草夢中投此日真謀面寧知己白
頭論文能大雅索句不輕浮但乞無生法何心更
唱酬

到來高隱地鳧外且停舟岑寂畱人坐蒼茫使我
愁客魂千里月僧影一湖秋此際真生死無端淚
欲流

莫更同悲老如公道不孤春風生旅色旭日照窮
途問法竹千个開門水一湖願依末座住吾久恥
爲儒

冠五與予素心晨夕無周星之別壬子重五

後二日冠五將北上此行乃不知再見何

賴古堂集卷六

三

時予老矣患難數年淚未一下念兩日冠

五將別我去通夕不寐五鼓成此放筆之

餘不禁潸然泣數行下冠五至都門幸出

示浚兒使知老夫孤獨特處也

經年迷霧裏我友指朝昏隻立心誰許旁觀目共

存貧行難著意老別更消魂便語單遊子衰親正

倚門

賴古堂集卷六

賴古堂集卷六

賴古堂集卷六

賴古堂集卷之六終

